

208 Staðfesting forsetans á skipulagsskrá fyrir „Framfara- og menningarsjóð
14. des. Svinavatnshrepps“, útgefin á venjulegan hátt að mandatum af dómsmálaráðherra
14. desember 1945.

Skipulagsskráin er þannig:

SKIPULAGSSKRÁ

Framfara- og menningarsjóðs Svinavatnshrepps.

1. gr.

Sjóðurinn heitir Framfara- og menningarsjóður Svinavatnshrepps.

2. gr.

Stofnfé sjóðsins er jörðin Meyjarland í Skarðshreppi eða andvirði hennar og andvirði jarðarinnar Eldjárnsstaða í Svinavatnshreppi kr. 3000.00, enn fremur kr. 4000.00, sem sveitarsjóður Svinavatnshrepps leggur fram. $\frac{1}{5}$ hluta vaxtanna skal árlega leggja við höfuðstól sjóðsins. Höfuðstól sjóðsins má aldrei skerða, og þess skal gætt að ávaxta hann í tryggum stöðum.

3. gr.

Höfuðstól sjóðsins má auka, sem hér segir:

- Með framlögum úr sveitarsjóði Svinavatnshrepps, enda hafi hreppsnefnd, sveitafundur og sýslunefnd samþykkt það.
- Með gjöfum frá einstökum mönnum eða félögum, og er þá heimilt, að þeir ákveði, að vöxtum af því fé, er þeir gefa, sé varið til styrktar vissra þátta af starfsemi sjóðsins.
- Það fé, sem lagt verður við höfuðstól sjóðsins samkvæmt 7. gr., fellur undir skipulagsákvæði þau, sem um hann gilda.

4. gr.

Hreppsnefnd Svinavatnshrepps annast störf sjóðsins án endurgjalds. Oddviti gerir reikning sjóðsins árlega og sér um fjárreiður hans, nema hreppsnefnd kjósi sérstakan mann til þess. Reikning sjóðsins skal gera um sama leyti og sveitarsjóðsreikninginn, enda ber hreppsnefnd að undirrita hann. Endurskoðandi sveitarsjóðsreikningsins skal endurskoða reikninga sjóðsins. Oddviti sendir svo reikninga sjóðsins ásamt athugasemdum og svörum til sýslunefndar.

Oddviti skal halda gerðabók fyrir sjóðinn. Í gerðabókina skal rita skipulagsskrá sjóðsins og afrit af reikningum hans. Í gerðabókina ber enn fremur að rita, hvernig tekjum sjóðsins er úthlutað, og allar ákvarðanir, sem hreppsnefnd eða sveitarfundur kunna að gera viðvikjandi sjóðnum. Oddviti skal geyma gerðabókina, enda ber hann ábyrgð á því, að bókhald sjóðsins sé í lagi.

5. gr.

Hreppsnefnd ákveður í samráði við sýslunefnd, hvar og hvernig ávaxta skuli fé sjóðsins. Þess skal gætt að ávaxta það í tryggum stöðum. Óheimilt er að lána einstökum mönnum fé úr sjóðnum, nema gegn veði í fasteign. Lánin skal aðeins veita gegn fyrsta veðrétti, og má lánsupphæðin eigi nema meiru en 60% af fasteignamati veðsins. Þess skal gætt að lána ekki út á fasteignir, sem líklegt er, að rýrni að verðmæti.

Hreppsnefndinni er óheimilt að nota fé úr sjóðnum fyrir sveitarsjóð Svín- **208**
vatnshrepps eða setja hann sem tryggingu fyrir lánnum, sem sveitarsjóðurinn kann **14. des.**
að taka.

6. gr.

Hreppsnefnd Svínvatnshrepps úthlutar framlögum úr sjóðnum, og skal úthlutun fara fram fyrir 30. maí ár hvert. Umsóknir og tillögur skulu komnar til oddvita fyrir miðjan febrúar, enda fari úthlutunin eigi fram fyrir þann tíma. Leyfilegt er að úthluta $\frac{1}{2}$ hluta af vöxtum sjóðsins og þeim eftirstöðvum, sem færðar hafa verið frá fyrri árum.

Oddvita ber að tilkynna viðkomandi aðilum úthlutunina eigi síðar en 14 dögum eftir, að úthlutun fer fram.

7. gr.

Nú þykir hreppsnefnd eigi ástæða til að úthluta $\frac{1}{2}$ hlutum af vöxtum sjóðsins, eða sé hið úthlutaða fé eigi notað eða þegið, þá ber að leggja helming þess fjár, sem afgangs verður, við höfuðstól sjóðsins. Hinn hlutann má færa sem eftirstöðvar til næsta árs. Heimilt er hreppsnefnd þó að leggja alla vextina við höfuðstól.

8. gr.

Úthlutun er gild, ef hún er ágreiningslaus innan hreppsnefndarinnar. Verði ágreiningur innan hreppsnefndar um, hvernig úthlutað skuli því fé, sem leyfilegt er að úthluta, skal oddviti boða til sveitarfundar eigi síðar en mánuði eftir, að úthlutunarfundur var haldinn. Oddviti leggur svo tillögur meiri- og minnihluta hreppsnefndarinnar fyrir sveitarfundinn, sem ákveður úthlutunina. Nú er sveitarfundur af einhverjum ástæðum ekki haldinn. Ber þá næsta sýslufundi að skera úr deiluatríðum.

9. gr.

Því fé, sem úthluta má samkvæmt 6. gr., skal verja til eftirtaldra menningar- og framfaramála í Svínvatnshreppi:

1. Til eflingar jarðrækt, trjárækt og blómarækt.
2. Til vegagerðar.
3. Til simalagningar.
4. Til þess að styrkja efnalitla ómagamenn, ef ástæða er til að ætla, að þeir vegna efnaskorts, heilsuleysis eða annarra örðugleika geti ekki séð börnum sínum fyrir nægilega góðu uppeldi.
5. Til þess að styrkja einstaka bændur til húsagerðar á býlum sínum, ef ástæða er til að ætla, að þeir verði að yfirgefa býlin vegna þess, að þeir hafi ekki efni á að gera þær húsabætur, sem nauðsynlegar eru, til þess að hægt sé að búa á jörðunum.
6. Til þess að styrkja húsabyggingar, umbætur húsa eða önnur mannvirki, sem sveitarfélagið kann að láta gera.
7. Til rafmagnslagningar um Svínvatnshrepp.
8. Til að styrkja hópferðalög innanlands og unga menn og konur til ferðalaga innanlands eða utan, ef líkur eru til, að þetta fólk muni dveljast í Svínvatnshreppi, og ástæða er til þess að ætla, að slík ferðalög geti haft hagnýta og menningarlega þýðingu. Þess skal gætt við úthlutunina að veita aðallega til eins þáttar árlega, svo að framlögin geti verið það rifleg, að þau komi að verulegum notum.

10. gr.

Sveitarstjórn er eigi heimilt að reikna annan kostnað við stjórn sjóðsins eru ritföng, símtöl, burðargjöld og þinglestur skjala, ef með þarf. Kostnaður þessi skal

208 dreginn frá vaxtatekjum sjóðsins, og skal hreppsnefnd gæta þess, að slíkum reikningum sé í hóf stillt.

Reikningar sjóðsins skulu sendir endurskoðaðir til sýslunefndar ásamt sveitar-sjóðsreikningi til úrskurðar og samþykktar.

11. gr.

Skipulagsskrá þessari má breyta, ef þörf þykir, enda séu breytingarnar samþykktar með $\frac{2}{3}$ hlutum atkvæða á tveimur löglega boðuðum sveitarfundum og samþykktar af sýslunefnd. Höfuðstól sjóðsins má þó aldrei skerða.

12. gr.

Leita skal staðfestingar á þessari skipulagsskrá.

209

17. des.

SAMÞYKKT

um girðingu milli heimalanda og aðliggjandi afrétta og útlendna á svæðinu frá Norðlingafljóti að Norðurá.

1. gr.

Girðing sú, er samþykkt þessi nær til og við gildistöku hennar verður gerð að samgirðingu, liggur sem hér segir:

Frá Norðlingafljóti, neðan við Kleppa, bak við heimalönd Fljótstungu og Þorvaldsstaða í Hólmavatn. Úr Hólmavatni um Gilsbakkaland, bak við heimalönd Bjarnastaða, Kirkjubóls, Hvamms, Haukagils, Sámsstaða, Háafells, Þorgautsstaða, um Síðumúlaland að Örnólfsdalsá við Myrkhyl. Frá Örnólfsdalsá um Örnólfsdals-sand og Kvíafjall að Litlu-Þverá. Frá Litlu-Þverá að Norðurá, inn frá Króki í Norðurárdal.

2. gr.

Girðing sú, sem tilgreind er í 1. gr., svo og girðingarefni það, er til kann að vera henni viðkomandi, skal teljast sameign upprekstrarfélaga Þverárréttar og upprekstrarfélags Arnarvatnsheiðar og þeirra, er hafa verið eigendur hennar. Verði samþykktin síðan felld úr gildi, fellur eignarétturinn til fyrri eigenda hennar. Girðingin frá Norðlingafljóti að hliðinu vestan við Mjóavatn verði virt og tekin upp í kostnað við endurbyggingu girðingarinnar, sem framlag ábúanda, sem að girðingunni standa og verið hafa eigendur hennar, en verði samþykkt þessi síðar numin úr gildi, fellur girðingin til fyrri eigenda.

3. gr.

Hreppsnefndir í upprekstrarfélagi Arnarvatnsheiðar og upprekstrarfélagi Þverárréttar hafa yfirumsjón með mönnum þeim frá hverju upprekstrarfélagi, er hafi á hendi allar framkvæmdir vegna endurbyggingarinnar. Annast þeir efniskaup öll og reikningshald og hlutast til um, að þeir aðilar, er að samþykktinni standa, inni af hendi skyldur sínar. Þeir skulu árlega gera forráðamönnum upprekstranna grein fyrir framkvæmdum sínum.

Víti þeir, að samþykktin sé brotin eða þau lög, er hún byggist á, skulu þeir gera viðkomandi hreppsnefndum aðvart, en þær skulu gera nauðsynlegar ráðstafanir til þess, að fullar bætur séu á ráðnar.

Umsjónarmenn velja sér verkstjóra, svo marga sem þurfa þykir. Þeir skulu kveðja menn til vinnu við girðinguna, stjórna þar verkum og hafa á hendi vörzlu þess efnis, er til kann að vera á hverjum tíma, og vera umsjónarmönnum til að-